

Ffilm Cymru Wales
Pecyn Gwybodaeth: Cynorthwydd Gweithredol



Dyma'r pecyn gwybodaeth ar gyfer y swydd o:
Cynorthwydd Gweithredol

Darperir y wybodaeth ganlynol i'ch cynorthwyo gyda'ch cais.
Mae rhagor o wybodaeth am Ffilm Cymru ar gael ar
www.ffilmcymruwales.com

Cynnwys

Croeso	2
Sut i Ymgeisio	2
Cefnogaeth Mynediad	3
Rhannu Swydd a Gweithio'n Hyblyg	4
Wedi i chi Ymgeisio.....	4
Hysbyseb Swydd	5
Ffilm Cymru Wales	8

Croeso

Diolch am eich diddordeb yn y swydd gyffrous hon. Bydd yr ymgeisydd llwyddiannus yn ymuno â Ffilm Cymru mewn cyfnod o dwf neilltuol. Mae cyllid newydd wedi ei roi i ni gan Llywodraeth Cymru, drwy Cymru Greadigol, fydd yn ategu'r arian a gawn gan Gyngor Celfyddydau Cymru fel eu cynrychiolydd ffilm, a gan Sefydliad Ffilm Prydain i redeg Rhwydwaith BFI Cymru.

Rydym hefyd, yn ddiweddar, wedi codi arian i gefnogi diwydiant sgrîn mwy gwyrdd, ac i adeiladu ar ein rhaglen Troed yn y Drws, gan chwalu'r rhwystrau economaidd-cymdeithasol gall fodoli wrth geisio sicrhau gyrfa ym myd y sgrîn. Fel yr asiantaeth ddatblygu ar gyfer ffilm o Gymru mae'n bwysig i ni weithio tuag at effaith hirdymor. Er y bydd y swydd hon, yn aml, yn cynnwys ymwneud â phrosiectau cyffrous a arweinir gan dalent o Gymru, mae hefyd yn debygol o fod yn addas ar gyfer rhywun sydd â diddordeb mewn newid systemig, a rhywun sy'n cael ei g/chyffroi wrth weld beth sydd bosib ei ddysgu gan adrannau eraill o'r cwmni.

Edrychwn ymlaen at dderbyn eich cais.

Pauline Burt, Prif Weithredwr

Sut i Ymgeisio

Oni bai ein bod eisoes wedi cytuno bod modd i chi gyflwyno eich cais mewn fformat arall, dylech e-bostio eich CV a llythyr eglurhaol at Siôn Eirug ar sion@ffilmcymruwales.com gan nodi eich argaeledd, eich profiad a'ch sgiliau yn erbyn y rhai a amlinellir isod.

Ffilm Cymru Wales **Pecyn Gwybodaeth: Cynorthwydd Gweithredol**



Gyrrwch eich cais atom erbyn Hanner Dydd, **dydd Llun 24 o Hydref 2022.**

Nid yw Ffilm Cymru yn noddwr trwyddedig ar gyfer VISAs, felly mae'n rhaid bod gennych eisoes Hawl i Weithio yn y DU er mwyn gwneud cais am y swydd hon.

Os ydych yn ymgeisydd mewnol sy'n gweithio yn Ffilm Cymru, trafodwch â'ch rheolwr llinell cyn gwneud cais.

Cynhelir y cyfweiliadau ar 28ⁿ a 31 Hydref 2022, naill ai ar-lein neu wyneb yn wyneb.

Cefnogaeth Mynediad

Rydym yn credu mewn sector sy'n gweithio i bawb, ac yn teimlo'n angerddol dros ehangu mynediad i'r sector sgrîn. Byddwn yn cynnig cyfweiliad awtomatig i'r holl ymgeiswyr sy'n bodloni lleiafswm y Meini Prawf ar gyfer y swydd hon ac sy'n uniaethu fel Pobl o'r Mwyafrif Byd-eang, fel Pobl Dduon, Asiaidd neu Leiafrifoedd Ethnig, neu sy'n F/fyddar, yn drwm eu clyw, yn Anabl neu niwroamrywiol.

I ymgeiswyr sydd ag anghenion mynediad, er enghraifft unigolion sy'n F/fyddar, yn drwm eu clyw, yn Anabl, yn niwroamrywiol, a phobl sydd â nam ar eu golwg, mae cymorth ar gael er mwyn cwblhau'r cais. Cysylltwch â ni i roi gwybod sut y gallwn helpu. Er enghraifft, gallwn dalu costau dehonglydd BSL ar gyfer cynnal cyfarfodydd cyn i chi wneud cais, cymorth ysgrifennu i ymgeiswyr dyslecsig, neu gytuno ar fformatau amgen ar gyfer cyflwyno'ch cais fel rhaglenni fideo neu ddeciau sleidiau. Byddwn yn cael ein harwain gennych chi.

Cysylltwch ag Siôn Eirug ar sion@ffilmcymruwales.com i drafod eich anghenion cyn i chi wneud cais.

Rhannu Swydd a Gweithio'n Hyblyg

Rydym yn agored iawn i gynigion ar gyfer rhannu'r swydd ac i weithio'n hyblyg. Rhowch fanylion eich cynnig o ran rhannu'r swydd neu weithio'n hyblyg yn eich llythyr eglurhaol, os yn berthnasol.

Wedi i chi Ymgeisio

Byddwch yn cael cadarnhad bod eich cais wedi'i dderbyn o fewn wythnos i'w gyflwyno, a byddwch yn cael dolen at y ffurflen monitro amrywiaeth, sy'n ein helpu yn ein hymrwymiad i amrywiaeth a chynhwysiant. Mae gan bob cwestiwn opsiwn 'gwell i gen i beidio â dweud'. I gael gwybodaeth am sut mae Ffilm Cymru yn prosesu data ymgeiswyr, darllenwch ein [Polisi Preifatrwydd](#).

Byddwch yn clywed a ydych wedi cyrraedd y rhestr fer ar gyfer cael cyfweiliad o fewn pythefnos i ddyddiad cau'r cais.

Hysbyseb Swydd

Cyfnod: Amser llawn, parhaol

Cyflwg: £28,000 y flwyddyn, ynghyd â phensiwn

Dyddiad cau: Dydd Llun 24^{ain} Hydref, 12 hanner dydd

Cyfweliadau: 28^{ain} a'r 31^{ain} Hydref 2022

Dyddiad cychwyn: cyn gynted ag y bo modd

Prif Ddiben y Rôl

Mae hon yn swydd allweddol i sicrhau gweithrediad llyfn ac effeithlon Ffilm Cymru Wales. Bydd gan ddeiliad y swydd sgiliau cyfathrebu rhagorol, diplomyddiaeth a'r gallu i gydbwysu blaenoriaethau mewn rôl heriol. Mae'n rôl ysgogol mewn cwmni sydd wedi ymrwymo i hyrwyddo'r diwydiannau creadigol a'r rhai sy'n gweithio ynddo.

Prif Ddyletswyddau a Chyfrifoldebau

- Cefnogi'r Prif Weithredwr a'r Prif Swyddog Gweithredu yn eu gwaith o ddydd i ddydd, gan gynnwys rheoli dyddiaduron a theithio, ynghyd â chysylltu â phartneriaid a rhanddeiliaid allweddol mewn modd pwyllog a phroffesiynol;
- Cynnal ymchwil a datblygu papurau briffio ar gyfer y Prif Weithredwr a'r Prif Swyddog Gweithredu i'w cynorthwyo yn eu busnes;
- Cysylltu â'r Cadeirydd, yr Is-gadeirydd a'r Bwrdd i drefnu teithio a chyfarfodydd a sicrhau bod ganddynt bapurau a deunyddiau perthnasol yn brydlon;

- Prosesu anfonebau ac archebion prynu sy'n ymwneud â'r Prif Weithredwr, y Prif Swyddog Gweithredu neu aelodau'r bwrdd;
- Cynnal cofnodion arian traul;
- Mireinio a chynnal systemau ffeilio sy'n cydymffurfio â'n polisiau diogelu data;
- Rheoli ein swyddfa (yng Nghaerdydd, neu fel arall) — gan gynnwys sicrhau cyflenwadau digonol, cynnal a chadw peiriannau, cysylltu â'n gwasanaeth TG, a diogelwch, mewn cyswllt â'n landlordiaid;
- Cofnodi cyfarfodydd yn gywir (y Bwrdd ac fel arall, yn ôl yr angen);
- Cydlynu'r gwaith o recriwtio ar gyfer swyddi sy'n adrodd i'r Prif Weithredwr neu'r Prif Swyddog Gweithredu gan gynnwys derbyn a chydgrynhai ceisiadau, ymateb i anghenion mynediad ac amserlennu cyfweliadau;
- Cynnal y Llyfr Damweiniau a chofnodion lechyd a Diogelwch
- Ymateb i ymholiadau cyffredinol ac ailgyfeirio at aelodau priodol o'r tîm;
- Tasgau eraill lle bo hynny'n rhesymol ofynnol.

Manyleb y Person

- Gan weithio ar lefel uwch byddwch yn ddymunol, cynhwysol a phwylllog yn eich ymagwedd.
- Bydd gan yr ymgeisydd llwyddiannus o leiaf 3 blynedd o brofiad cadarn mewn rôl sefydliadol heriol, gan gynorthwyo ar lefel uwch weithredwr, neu lefel gyfatebol.
- Byddwch yn unigolyn hunangymhellol sydd â sgiliau gweinyddol, cyfathrebu a threfnu cryf.

- Gan weithio'n annibynnol, byddwch yn fedrus wrth flaenoriaethu ac ailflaenoriaethu yn ôl yr angen, ac yn gweithio gan roi sylw i fanylion.
- Mae profiad yn y diwydiannau creadigol yn ddymunol ond nid yw'n hanfodol.
- Mae'r gallu i siarad Cymraeg yn hanfodol. Byddwn yn ystyried dysgwyr y Gymraeg.

Byddwn yn cynnig cyfweiliad awtomatig i'r holl ymgeiswyr sy'n bodloni lleiafswm y Meini Prawf ar gyfer y swydd hon ac sy'n uniaethu fel Pobl o'r Mwyafrif Byd-eang, fel Pobl Dduon, Asiaidd neu Leiafrifoedd Ethnig, neu sy'n F/fyddar, yn drwm eu clyw, yn Anabl neu'n niwroamrywiol.



We stand in solidarity
to say **NO** to racism
and commit to a
#ZeroRacismWales

DO YOU?

Sign our policy today.
www.zeroracismwales.co.uk

Ffilm Cymru Wales

Ffilm Cymru yw'r asiantaeth ddatblygu ar gyfer ffilm yng Nghymru ac mae'n ymroddedig i hyrwyddo sector ffyniannus y gallwn oll fod yn falch ohono. Rydym yn gwneud hyn:

- Drwy weithio gyda phartneriaid i ddatblygu sefyllfa ffilm yng Nghymru a thu hwnt
- Drwy greu amgylchedd ar gyfer profi, integreiddio a rhannu ffyrdd mwy cynhwysol, arloesol a gwyrdd o weithio
- Drwy gynnwys pobl o bob oed a gallu mewn dysgu creadigol
- Drwy ddatblygu gweithlu sgrîn y dyfodol trwy amrywiaeth o raglenni hyfforddi
- Drwy fuddsoddi mewn ffilmiau anarferol sy'n cymryd risg, a'u gwneuthurwyr, o gyfnod cynnar
- Drwy gynnig profiadau sinematig cyffrous i gynulleidfaoedd ledled Cymru

Rydym yn rheoli arian y loteri genedlaethol ar ran Cyngor Celfyddydau Cymru a'r Sefydliad Ffilm Prydeinig, yn ogystal â chyllid gan Lywodraeth Cymru drwy Cymru Greadigol. Mae ein gwaith yn cyd-fynd yn agos â Rhaglen Llywodraeth Cymru, yn enwedig Deddf Llesiant Cenedlaethau'r Dyfodol, oherwydd cymysgedd creadigol, economaidd a diwylliannol ein sector.

Sefydlwyd Ffilm Cymru yn 2006 ac mae'n Gwmni Buddiannau Cymunedol. Yn 2018 lanswyd ein [Cynllun Strategol 2018 -2024, y gellir ei ddarllen yma.](#)